



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

19 ապրիլի 2023 թվականի թիվ 87-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՈՒՄ ՀՐԱՄԱՆԱՏԱՐԱՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Ղեկավարվելով Հայաստանի Հանրապետության կառավարության 2015 թվականի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու Հայաստանի Հանրապետության կառավարության 2003 թվականի հունվարի 30-ի թիվ 134 որոշումն ուժը կորցրած ճանաչելու մասին» թիվ 46-Ն որոշումով և հիմք ընդունելով «Հայաստանի Հանրապետության Տավուշի մարզի բնակչության պաշտպանության համակարգի նախապատրաստման 2023 թվականի հիմնական միջոցառումների պլանի» 8.1.1 կետը

ՈՐՈՇՈՒՄ ԵՄ՝

1. Իմ ղեկավարությամբ Հայաստանի Հանրապետության Տավուշի մարզում 2023 թվականի հունիսի 8-ին անցկացնել հրամանատարաշտաբային ուսումնավարժություն «Հրդեհաշիջման աշխատանքների կազմակերպումը և իրականացումը անտառային հրդեհների ժամանակ» թեմայով:

2. Նշանակել ուսումնավարժության ղեկավարման շտաբի պետ՝ Հայաստանի Հանրապետության ներքին գործերի նախարարության փրկարար ծառայության Տավուշի մարզային փրկարարական վարչության պետ, փրկարարական ծառայության գնդապետ Վահան Փիրումյանին:

3. Հաստատել.

1) ուսումնավարժության ղեկավարման շտաբի կազմը՝ համաձայն հավելված 1-ի.

2) ուսումնավարժության նախապատրաստման օրացուցային պլանը՝ համաձայն հավելված 2-ի:

4. Ուսումնավարժությունում ներգրավել.

1) Հայաստանի Հանրապետության Տավուշի մարզի արտակարգ իրավիճակներում գործող մշտական հանձնաժողովին.

2) Հայաստանի Հանրապետության Տավուշի մարզային տարիանման հանձնաժողովին.

3) Հայաստանի Հանրապետության Տավուշի մարզպետի աշխատակազմի վարչությունների ներկայացուցիչներին.

4) Իջևան համայնքի Ենոքավան, Ակնաղբյուր, Լուսաձոր, Աջաջուր, Սևքար, Սարիգյուղ, Ծաղկավան, Բերքաբեր, Աճարկուտ բնակավայրերի ղեկավարներին.

5) Հայաստանի Հանրապետության ներքին գործերի նախարարության փրկարար ծառայության Տավուշի մարզային փրկարարական վարչությանը.

6) Հայաստանի Հանրապետության ներքին գործերի նախարարության ոստիկանության Տավուշի մարզային վարչությանը և պարեկային ծառայությանը.

7) «Հայաստանի էլեկտրական ցանցեր» փակ բաժնետիրական ընկերության «Աղստև» մասնաճյուղին.

8) Հայաստանի Հանրապետության պաշտպանության նախարարության թիվ 3 բանակային կորպուսի և զորակոչային և զորահավաքային համալրման ծառայության Տավուշի մարզի տարածքային թիվ 1 և թիվ 2 ստորաբաժանումների ներկայացուցիչներին:

5. Ուսումնավարժության ղեկավարման շտաբի պետ, փրկարարական ծառայության գնդապետ Վահան Փիրումյանին՝

1) ապահովել անցկացման փաստաթղթերի ժամանակին մշակումը և մինչև 2023 թվականի ապրիլի 28-ը ներկայացնել իմ հաստատմանը.

2) կազմակերպել ուսումնավարժության մասնակիցների նախապատրաստումը՝ համաձայն հաստատված օրացուցային պլանի.

3) ապահովել համագործակցությունը ուսումնավարժությանը ներգրավված մասնակիցների միջև.

4) ճշգրտել փոխգործողությունների պլանները.

5) ուսումնավարժության անցկացմանը պատրաստ լինելու մասին զեկուցել մինչև 2023 թվականի հունիսի 5-ը:

6. Ուսումնավարժության մասնակիցներին.

1) ուսումնասիրել «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքը, «Արտակարգ իրավիճակներում Հայաստանի Հանրապետության Տավուշի մարզի բնակչության պաշտպանության պլան»-ը.

2) ճշգրտել համապատասխան պլանները.

3) պատրաստ վիճակի բերել ուժերն ու միջոցները, ստորաբաժանումները համալրել հաշվեցուցակային գույքով.

4) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ.

5) պատրաստ լինել զեկուցելու ուսումնավարժության ընթացքում կատարած միջոցառումների մասին.

6) գործնական միջոցառումներ իրականացնելիս խստագույնս պահպանել անվտանգության կանոնները:

7. Սույն որոշման կատարման հսկողությունը վերապահում եմ ինձ:

ՀԱՅԿ ՂԱԼՈՒՄՅԱՆ

19.04.2023

X

ՀԱՅԿ ՂԱԼՈՒՄՅԱՆ

